

D. FRANCISCI DE ALFARO,

FISCALIS QUONDAM PROCURATORIS
in Cancellaria Argentina Regnorum Pirù, nunc
autem, post alia munera obita, Senatoris
in Rei Dominicæ Consilio,

TRACTATUS DE OFFICIO FISCALIS, *deque Fiscalibus Privilegiis.*

AB EODEM AUCTORE EMENDATUS, ET AUCTUS.

AD PHILIPPUM TERTIUM,
Hispaniarum, & Novi-Orbis Regem Catholicum,
Invictissimum, & Potentissimum.



MATRITI: ANNO M.DCC.LXXX.

Ex Typographia Regia, vulgò de la GAZETA.

Sumptibus Regiæ Societatis.

PHILIPPO
HUIUS NOMINIS
TERTIO,
HISPANIARUM, ET NOVI-ORBIS
REGI CATHOLICO,
INVICTISSIMO, POTENTISSIMOQUE.



Um primùm (Rex invictissime) Regia tua erga me munificentia & liberalitate in has remotissimas tui Novi-Orbis plagas, Hispali patria mihi dulcissima charissimæque profectus, navigationem institui, Fisci Patroni titulo decoratus, quæ mei muneris partes essent, diligenter callere curavi, ut à recto tramite ne latum quidem unguem devians, tantæ provinciæ meis humeris impositæ satisfacerem. Cùmque id ex Regii tituli (ut vocant) inspectione & enucleatione, ex animi sententia evenire posse perpenderem (nam & Jurisprudencia docet, diligenter mandati fines esse attendendos) in illius observatione totis (ut ajunt) viribus insudavi, glossematis, & scholiis illustrans, & multa obiter de Fisco & Fiscalibus privilegiis, & Jurisconsultorum responsis excerpta pertractans. Quæ cùm in publicam studiosorum utilitatem typis mandare in animum induxissem, Tibi (Rex potentissime) tan-



D. FRANCISCI DE ALFARO,

REGII OLIM IN ARGENTINA CANCELLARIA
Regnorum Piru Fiscalis Procuratoris; nunc
verò in Supremo Rei Dominicæ
Consilio Auditoris.

DE OFFICIO FISCALIS, DEQUE FISCALIBUS PRIVILEGIIS TRACTATUS.

INITIUM.

- 1 *Quotempore Auditor inceperit Fiscalis officium exercere?*
- 2 *Quid semper curaverit in exercitio officii.*
- 3 *Fidelitas & prudentia requiruntur ad bene ministrandum.*
- 4 *Mandata inquirenda sunt, & diligenter servanda.*
- 5 *Qualiter ad hoc opus edendum fuerit impulsus & operis digestio: item & Tituli series, quæ in his glossis explicatur, ut inde rei Fiscalis materia tractatus deducatur, & num. 6. 7. & 8.*

1 **S**IMULATQUE anno Domini millesimo quingentesimo nonagesimo-quarto, à claræ, & inclytæ memoriæ digno nostro Maximo PHILIPPO II. Hispaniarum & Indiarum Rege poten-

tissimo, ad Procuratoris Fiscalis officium fui assumptus; illudque in Regia Cancellaria urbis de Panama exercere cœpi; id mihi semper curæ fuit, ut quo melius possem, mihi demandatum ministerium adimplerem. Nec immerito, ad id enim me & naturalis impulsus, & magnitudo beneficii, quam citissimè in me, & quasi ante tempus collati, trahebant. Cum autem ad rectè servitium impendendum fidelitas & prudentia à sacro textu simul requirantur, Matthæi 24. in fin. & prosequitur Ioannes à Canibus de executoribus ultimarum voluntat. part. 2. in princ. alteri à majoribus partæ alteram propriis laboribus acquirere, & adungere statui. Cum igitur ad id obtinendum pro regula à Catholicis Regibus statueretur mandati inspectio, cap. 1. Prætorum, mandati, id est, nulli ad officium (hoc enim verbo aliquando utar) & rerum in eo contentarum executio: mandata enim